

Christliche Tauffpredigt.

heiligen Geistes/ Tit. 3. v. 6. Da er vns heiliget vnd reiniget durch das Wasserbad/ Ephes. 5. v. 26. Wie wir singen in vnserm Tauffliedt:

Da wolt Er stifften vns ein Bad/
Zu waschen vns von Sünden/
Erseuffen auch den bitteren Todt/
Durch sein selbs Blut vnd Wunden.

II.
Persona
baptizans.

Die Andere Umbstende ist Persona baptizans, Die Person so getaufft hat/ die ist auch sehr hoch vnd gros. Denn es ist Johannes der Teuffer/ von dem der H & X Christus zeuget/ Matth. 11. v. 11. Daß vnter allen die von Weibern geboren sind/ ist nicht auffkommen/ der grösser sey denn Johannes der Teuffer. Zu der Zeit/ sagt der Evangelist/ kam Jesus zu Johanne/ Verstehet den Teuffer/ der also genennet wird/ daß er der Erste gewesen/ der die Leute getaufft/ da man vor jm die Leute nicht hat pflegen zu teuffen. Vnd was er thet/ das thet er nicht aus eigener andacht vñ gutdüncken/ sondern hatte seine vocation von Gott/ daß er ein Special mandat von Gott empfangen/ daß er teuffen solte/ Luc. 3. v. 2. Da geschach der Befehl Gottes zu Johannes/ Zacharias Sohn inn der Wüsten/ Vnd Joh. 1. v. 33. spricht er selber: Der mich sandte zu teuffen mit Wasser.

De Bapti-
zantis

Diese Umbstende haben ein theil Leute dahin ge-
deutet/ als vorzeiten die Donatisten vnd heut zu tage die
Widerteuffer/ wenn einer wolte/ daß seine oder der seint-
gen

gen